

宋  
名  
家  
詞

東堂詞

目錄

謁金門

一調

浣溪沙

二十  
四調

清平樂

二十  
調

水調歌頭

三調

小重山

四調

踏莎行

八調

玉樓春

十二  
調

山花子

三調

南歌子

三調

臨江仙

三調

剔銀燈

一調

武陵春

六調

秦樓月 一調

訴衷情 二調

減字木蘭花 三調

惜分飛 四調

蝶戀花 九調

更漏子 三調

西江月 四調

青玉案 四調

雨中花 二調

鵲橋仙 二調

點絳脣 七調

如夢令 一調

生查子 五調

浪淘沙 一調

菩薩蠻 八調

漁家傲 三調

阮郎歸 二調

絳都春 一調

天香 一調

滿庭芳 二調

八節長歡 二調

驀山溪 四調

洞仙歌 一調

遍地花 一調

夜遊宮 一調

醉花陰 二調

上林春令 一調

帶人嬌 二調

河滿子 一調

七娘子 二調

夜行船 二調

燭影搖紅 三調

憶秦娥

二調

于飛樂

三調

虞美人

三調

洛陽春

一調

散餘霞

一調

最高樓

二調

少年遊

一調

粉蝶兒

一調

調笑令

八調

破子

二調

遣隊

一調

感皇恩

三調

東堂詞目錄

終

東堂詞

宋 毛滂

謁金門

筓遊

燈霰裏老去筓遊不記月似舊時人不似小樓  
何處是 歸臥晚香翠被玉酒著人小醉欲睡  
先來都不睡此情那恁地

浣溪沙

宴太守張  
公內翰作

碧霧朦朧鬱寶熏和風容曳舞簾旌花間千騎

東堂詞

汲古閣

兩朱輪 金馬天材文作錦  
玉堂仙骨氣如水  
湖山何似使君清

又

尉園  
觀梅

曾向瑤臺月下逢  
爲誰回首矮牆東  
春風吹酒  
退腮紅 庾嶺殷勤通  
遠信梅家瀟灑有仙風  
晚香都在玉盃中

又

新春四夜松  
小飲微雪復止

謝女清吟壑  
郢樓樓前風轉柳  
花球學成舞態

却多羞 半落瓊瑤天又惜稍侵桃李蝶應愁  
酒家先當翠雲裘

又

仲冬朔日猶步花塢中  
晚酌蕭然見櫻桃有花

小圃韶光不待邀 早通消耗與含桃 晚來芳意  
半寒梢 含笑不言春淡淡 試妝未徧雨蕭蕭  
東家小女可憐嬌

又

家人  
生日

日照遮簷繡鳳皇 博山金暝一簾香 尊前光景



東堂詞

二

汲古閣

爲君長 不信臘寒雕鬢影漸勻春意上粧光  
梅花長共占年芳

又

上元遊靜林寺  
○或刻陸放翁

花市東風捲笑聲柳溪人影亂于雲梅花何處  
暗香聞 露溼翠雲裘上月燭搖紅錦帳前春  
瑤臺有路漸無塵

又

詠梅○或刻  
惜香樂府

月樣嬋娟雪樣清此花強占百花春簾中燭底

好精神 多恨肌膚元自瘦半殘粧粉不慳勻  
十分全似那人人

又

初春汎舟時北山積雪盈尺而冰南梅林盛開

水北煙寒雪似梅水南梅開雪千堆月明南北  
兩瑤臺 雲近恰如天上坐魂清疑向斗邊來  
梅花多處載春回

又

寒食初晴東堂對酒

小雨初收蝶做團和風輕拂燕泥乾鞦韆院落

落花寒 莫對清尊追往事更催新火續餘歡  
一春心緒倚闌干

又

寒食初晴桃杏皆已  
零落獨牡丹欲開

魏紫姚黃欲占春不教桃杏見清暉  
殘紅吹盡 恰纔晴 芳草池塘新漲綠  
官橋楊柳半拖青 鞦韆院落管絃聲

又

八月十八  
夜東堂作

晚色寒清入四簷梧桐冷碧到疎簾  
小花未了

燭花偏 瑤甕亭堆春這裏錦屏屈曲夢誰邊  
熏籠香暝橐衣添

又

九月十二  
夜務亭作

碧浸澄沙上下天曲堤疎柳短長煙月明不待  
十分圓 鑿落未空牙板開欄干久凭夾衣寒  
嬋娟薄倖冷相看

又

武康  
社日

碧戶朱窗小洞房玉醅新壓嫩鵝黃半青橙子

東堂詞

四

汲古閣

可憐香 風露滿簾清似水  
笙簫一片醉爲鄉  
芙蓉繡冷夜初長

又

松菊秋來好在無  
寄聲猿鶴莫情疎  
淵明不老  
久踟躕 打鼓楓林誰作社  
枕溪茆屋憶吾廬  
去年醉倒倩人扶

又

本是青門學灌園  
生涯渾在亂山前  
一犁春雨

種瓜田 別後倩雲遮鶴帳來時和月寄漁船  
傍人莫做長官看

又

泊望仙橋月  
夜舟中畱客

晚色輕涼入画船雲峰飛盡玉爲天疎颺自爲  
月褰簾 細酌流霞君且住更深風月更清妍  
爲誰淒斷小橋邊

又

訪吳中  
朋友

錦里無端無素書長安秋晚憶家無故人來此

尚踟躕 舊事殷勤休忘了 老來淒斷惡消除  
小樓雪夜記當初

又

松齋夜雨雷  
客戲追往事

記得山翁往少年 青樓一笑萬錢錢 寶鞍逐月  
玉鞭寒 老對凍醪留客話 醉爬短髮枕書眠  
伴人松雨隔疎簾

又

泛舟還  
餘英館

煙柳風蒲冉冉斜 小窗不用著簾遮 載將山影

轉灣沙 略約斷時分岸色蜻蜓立處過汀花  
此情此水芙天涯

又

送湯

蕙炷猶熏百和穠蘭膏正爛五枝紅風流雲散  
太匆匆 仙草已添君勝爽醉鄉肯爲我從容  
曠風殘月小庭空

又

舟泛

銀字笙簫小小童梁州吹過柳橋風阿誰勸我



玉盃空 小醉徑須眠錦瑟夜歸不用照紗籠

画船簾卷月明中

又

灩灩金波暝做春疎疎煙柳瘦于人柳邊半醉  
不勝情 未解画船畱待月緩歌金縷細畱雲  
將雲帶月入東門

又

川夜對梅  
花小酌

蠟燭花中月滿窗楚梅初試壽陽妝麒麟爲脯

玉爲漿 花影燭光相動蕩  
抱持春色入金觴  
鴨爐從冷醉魂香

又

竹送秋聲入小窗  
香迷夜色暗牙床  
小屏風掩燭花長  
雁過故人無信息  
酒醒殘夢寄淒涼  
画橋露月冷鴛鴦

清平樂

千葉  
芝

九重寒少煙暝豐瑤草  
金井碧梧離鳳矯南極

東堂詞

汲古閣

人來最老 衣冠遠換裘  
羶德隨和氣 蟬連萬  
里同開壽域 一年三秀芝田

又

重芳疊秀風約仙雲縹  
椿不爭年松與壽 芙出  
皇家忠孝 仁深枯冷  
皆蒙托根不倚東風日  
照恩光萬里 暝生塞草  
叢中

又

鏤煙剪霧鞞鞞無層數  
苜蓿青深煩雪兔 引到

祥華開處 仙人手翳朝陽清都絳闕相將來  
覆東封翠輦好遮化日舒長

又

九金爲壽千葉前無有葉葉年年看不朽天與  
君王意厚 君恩雨露無邊玉筵暖接非煙馬  
向華山烽冷人安草亦千年

又

絳河  
清

絳河千歲一照昇平事萬里青銅開碧霽俯見

東堂詞

汲古閣

南山晚翠 紺寒不翅湘鄴清于練靜江澄流  
向萬年觴裏玉波可但如灑

又

銀河秋浪遙出崑崙上忽變澄瀾添碧漲可道  
昇平無象 黃雲濁霧初開榮光休氣徘徊試  
覓當時五老金泥玉檢將來

又

天連翠嶽九折玻璃軟回挽金隄清窈轉疑芙

蓬萊清淺 吾君欲濟如何唐虞風順無多自  
有松舟檣楫一帆三代同波

又

太師相  
公生辰

娟娟月滿冉冉梅花暝春意初長寒力淺漸擬  
芳菲滿眼 當時吉夢重重間生天子三公付  
與人間桃李年年管領春風

又

瀛洲春酒滿酌公眉壽日照沙隄春傷柳恩暝

朝天袞繡 東君著意叮嚀芳酸先許梅英要  
就昇平滋味待公來進君羹

又

雪餘寒退唯有青松在春不加榮寒不賴用捨  
如公都耐 流肪磊砢龜蛇會留紅日西斜欲  
助我公壽骨蟠桃等見開花

又

已卯長  
至作

流光電急又過書雲日舊是天津花下客老對

山青水碧 而今轉愔年華遲陽爲緩西斜試  
問東君音信曉寒猶壓梅花

又

東堂月夕小酌時寒  
秀亭下娑羅花盛開

雲峯秀疊露冷璫璃葉北畔娑羅花弄雪香度  
小橋淡月 與君踏月尋花玉人雙捧流霞吸  
盡盃中花月仙風相送還家

又

元夕

東風桂影低拂姮娥鏡鏡裏妝寒酥粉瑩越恁



十分端正 素光行處隨人柳邊照見青春一  
片笙簫何處花陰定有遺簪

又

春蘭川  
珠名韻

曲房青鎖淺笑櫻桃破睡起三竿紅日過冷了  
沉香殘火 東風偏管伊家剗教那與穠華誰  
送一懷春息玉臺燕拂菱花

又

送賈耘老感德常還郡時飲  
官酒於東堂二君許復過此

杏花時候庭下雙梅瘦天上流霞凝碧袖起舞

與君爲壽 兩橋風月同來東堂且沒塵埃煙  
艇何時重理更憑風月相催

又

春夜  
曲

蘭堂燈炮春入流蘇夜衣褪輕紅聞水麝雲重  
寶釵未卸 知君不奈情何時時慢轉橫波一  
餉花柔柳困枕前特地春多

又

與諸君小酌燭  
下見花戲作

風搖炮燼吹下桃花影醉倒碧鋪眠碎錦誰伴

香迷酒凝 少年不解辜春年來減盡春心猶  
下繡簾遮定不教風雨侵凌

又

桃夭杏好似箇人人好淡抹胭脂眉不掃笑裏  
知春占了 此情沒箇人知燈前仔細看伊恰  
似雲屏半醉不言不語多時

又

春晚與  
諸君飲

盃深莫厭強看桃花面記約陽和初一線便恁

芳菲滿眼 明年春色重來東堂花爲誰開我  
在蘆花深處釣磯雨綠梅苔

又

錦屏夜夜繡被熏蘭麝帳捲芙蓉長不下垂盡  
銀臺蠟燭 臉痕微著流霞膾騰越恁穠華破  
睡半殘妝粉月隨雪到梅花

水調歌頭

擬饒州法  
曹掾作

金馬空故事方朔謾多端三千牘在玉殿何日

賜清閒難戀長安鐘漏誰偕青雲咳唾拂袖且  
東還笑殺長纓使復轉出秦關 吾道在雖不  
遇面何慙雒陽年少高論難與絳侯談富貴慙  
僥先手晞盡草頭秋露掩鼻出東山且飽鯨魚  
膾風月過江南

又

登衢州雙石堂呈  
孫八太守公素

謝安涵雅壘叔夜賦剛腸清宵假寐應笑長孺  
臥淮陽盡徹東平屏障不廢南樓談詠宴寢自

凝香庭下一盃土須避赤帷裳  
雙石健舍古

色照新堂百年喬木陰下僵立兩蛟蒼目送牙

山爽氣簾卷一城風月杖屨合徜徉他日峨眉

秀相望隔明光

孫發廳事前古冢得雙石因以爲堂名石上有管人題識云疊

峨眉山于

文會堂前

又元會  
曲

九金增宋重八玉變秦餘

上手詔在廷云六重之州尚循秦舊千

年清浸先淨河洛出圖書一段昇平光景不但



巖廊將去路肯畱行江山雄勝爲公傾公憺醉  
風月若爲情

又

立春日  
欲雪

誰勸東風鴈裏來不知天待雪惱江梅東郊寒  
色尙徘徊雙彩燕飛傍鬢雲堆 玉冷曉妝臺  
宜春金縷字拂香腮紅羅先繡踏青鞵春猶淺  
花信更須催

又

春雪  
小醉



門外東風糝玉塵，曲房花氣藹博山。  
春小槽珠滴桂椒，芬臘梅蕊誰共醉中聞。  
睡起靜無人，曲屏橫遠翠。錦爲隣，十年舊事，夢如新。  
紅蕤枕，猶暝楚峰雲。

又

家人生日

鷓舞青青雪裏松，冰開龜在藻綠蒙茸。一成不  
記蕊珠宮，蟠桃熟應待幾東風。玉酒紫金鍾，  
非煙羅幕暝寶熏。穠贈君春色，腦寒中君畱取。

長伴臉邊紅

踏莎行

陳興宗夜集  
俾愛姬出幕

天質嬋娟妝光蕩漾御酥做出花模樣天桃繁  
杏本妖妍文鴛彩鳳能偎傍艾綠濃香鵝黃  
新釀綠雲清切歌聲上夜寒不近繡芙蓉醉中  
祇覺春相向

又

會寶園初  
見梅花

映竹幽妍臨池娟靚芳苞先暝香初娠南枝微

弄雪精神東君早寄春音信  
奔月仙標乘煙遠韻玉臺粉點和酥凝  
從來清瘦可禁寒爲誰  
早把霞衣褪

又

點  
梅

粟玉玲瓏雍酥浮動芳姿染得胭脂重  
風前蘭麝作香寒枝頭煙雪和春凍  
蜂翅初開蜜房香弄佳人寒睡愁如夢  
鵝黃衫子茜羅裙風流不與江梅共

又

正月五日定  
空寺觀梅

景泮冰簷情回  
瑶草副能守得  
春來到管曾獨  
自索春憐而今  
覩著東風笑  
粉凝酥寒雲房  
睡覺胭脂也不  
添些小天貞要  
與此花爭是伊  
占得春多少

又

元夕

撥雪尋春燒燈  
續晝暗香院落  
梅開後無端夜  
色欲遮春天教  
月上官橋柳  
花市無塵朱門

如繡嬌雲瑞霧籠星斗沉香火冷小妝殘半衾  
輕夢濃如酒

又

早春  
卽事

階影紅遲柳苞黃遍纖雲弄日陰晴半重簾不  
捲篆香橫小花初破春叢淺 鳳繡猶重鴨爐  
長暝屏山翠入江南遠醉輕夢短枕間歌綠窗  
窈窕風光轉

又

追往  
事

芳氣霏微薄衣料峭何人正倚桃花笑流紅不  
出武陵溪這回空與春風到樽俎全稀風情  
終較安仁老也誰知道碧雲無信失秦樓舊時  
明月猶相照

又

中秋  
翫月

碧樹陰圓綠堦露滿金波漱灑堆瑤盞行雲會  
事不飛來長空一片琉璃淺玉燕釵寒藕絲  
袖冷只應未倚闌干遍隨人金不似嬋娟桂花

影裏年年見

玉樓春

戊寅重陽病中不飲惟煎  
小雲團一盃薦以菊花

西風吹冷沉香篆門掩小窗紅葉院臥看黃菊  
送重陽露重煙寒花未徧衰翁病怯琉璃簾  
日日愁侵霜鬢短一盃菊葉小雲團滿眼蕭蕭

松竹晚

又

僕前年當重九微疾不飲但撥菊葉煎  
水雲團用耐節物戲作短句以侑茗飲  
逮去年曾登山高會今年客東都依逆  
旅主人舍無許從不復出門不知時節

之變或云今日重九起坐空庭月下復  
取雲團酌一盃蓋川僕故事以送佳節  
又作侑茶一  
首以和韻

泥銀四壁盤蝸篆明月一庭秋滿院不知陶菊  
總開無但見杜苔新雨徧 去年醉倒雲爲簾  
未盡百壺驚日短小雲今夜伴牢愁好在鳳皇  
春未晚

又 贈孫宗  
公素

三衢太守文章伯七月政成如戲劇坐中咳唾



落珠璣筆下神明飛霹靂 才高莫恨溪山窄  
且與燕公添秀發風流前輩漸無多好枉魏公  
門下客

又

己卯歲

一年滴盡蓮花漏碧井醅酥沉凍酒曉寒料峭  
尚欺人春態苗條先到柳 佳人重勸千長壽  
柏葉椒花芬翠袖醉鄉深處少相知祇與東君  
偏故舊

又定空寺  
賞梅

蕊珠宮裏三千女  
滴粉爲春塵不住  
月華冷處  
欲迎人  
七里香風生滿路  
一枝誰寄長安去  
想得韶光能幾許  
醉翁滿眼玉玲瓏  
直到煙空  
雲盡處

又立春  
日

小園半夜東風轉  
吹皺冰池雲母面  
曉披闔闔  
見朝陽知向碧堦添幾線  
小煙弄柳晴先暖

殘雪禁梅香尚淺  
慙勤洗拂舊東君  
多少韶華聊借看

又

至肝  
胎作

長安回首空雲霧  
春夢覺來無覓處  
冷燠寒雨又黃昏  
數盡一堤楊柳樹  
楚山照眼青無數  
淮口潮生催曉渡  
西風吹面立蒼茫  
欲寄此情無雁去

又

三月三日  
雨夜鵬客

一春花事今宵了點檢落紅都已少阿誰追路  
問東君祇有青青河畔草尊前不信韶華老  
酒意韶光相偕好簷前暮雨亦多情未做朝雲  
容易曉

又

今朝何以爲公壽極貴長年公素有庭階不乏  
長芝蘭少翁又是廷臣右三能粲粲依魁秀  
八柱巍巍蟠地厚皇家卜冊萬斯年年光長轉

洪鈞手

又

我公兩器兼文武談笑巖廊無治古紅顏綠髮  
已官高赤舄繡裳今仲父我欲形容無妙語  
頌穆清風須吉甫望公聊比泰山雲歲歲年年  
天下雨

又

壓玉爲漿麟作肉珠樹瓊葩長不謝翠簾繡暝

燕歸來寶鴨花香蜂上下  
沙堤珮馬催公駕  
月白風清天不夜重來赫赫照崑廊不動堂堂  
疑太華

又

梅紅

當日嶺頭相見處玉骨冰肌元淡素近來因甚  
要穠粧不管滿城桃杏妬  
酒暈臉霞春暗度  
認是東君偏管顧□生羅□□羞香冷燠燠  
都不覩

山花子

天雨新晴，孫使君宴客，雙石堂遣官奴試小龍茶。

日照門前千萬峯，晴飈先掃凍雲空。誰作素濤翻玉手，小團龍。定國精明過少壯，次公煩碎本雍容。聽訟陰中苔自綠，舞衣紅。

又

冬至日天氣晏溫，從使君步至雙石堂北望山中微雪，因開窗倚且適二柳當前，使君命伐之，霏然遂得衆山之妙。

日轉堂陰一線添，使君和氣作春妍。祗有北山輕帶雪，見豐年。殘月夜來收不盡，行雲早起

更畱連急剪垂楊迎秀色到窗前

又

吳興僧舍竹下  
與王明之飲

雨色留香繞坐中映堦疎竹一叢叢不奈晚來  
蕭瑟意子猷風 漱灑滿傾金鑿落淋漓從溼  
繡芙蓉吸盡百川天上去看長虹

南歌子

正月二十八日  
定空寺賞梅

算霰寒依樹嬌雲冷傷人江南誰寄一枝春何  
似瓏璁十里更無塵 雨萼胭脂淡香鬚蝶子

東堂詞

二十二

汲古閣



輕碧山歸路小橋橫誰見暗香今夜月朧明

又

東堂小酌  
賦秋月

庭下新生月憑君把酒看不須直待素團團恰  
似那人眉樣秀彎環冷射鴛鴦瓦清欺翡翠  
簾數枝煙竹小橋寒漸見風吹疎影過闌干

又

席上和衛  
守李師文

綠暗藏城市清香撲酒尊淡煙疎雨冷黃昏零  
落除驪花片損春痕潤入笙簫膩春餘笑語

溫更深不鎖醉鄉門先遣歌聲畱住欲歸雲

臨江仙

宿僧舍

古寺長廊清夜美風松煙檜蕭然石闌干外上  
疎簾過雲閒窈窕斜月靜嬋娟 獨自徘徊無  
個事瑤琴試奏流泉曲終誰見枕琴眠香殘虬  
尾細燈燼玉蟲偏

又

客有逢故人者代書其情

莫恨那回容易別不妨久遠情腸爲人畱下舊

東堂詞

二十三

汲古閣

風光花枝長自好  
穠穠十年香  
便是日時簾  
外月却來小檻  
低窗朦朧影裏  
淡梳妝相看如  
夢寐回首乍思  
螢

又

都城元夕

聞道長安燈夜好  
雕輪寶馬如雲  
蓬萊清淺對  
觚稜玉皇開碧  
落銀界失黃昏  
誰見江南顛  
顛客端憂嬾步  
芳塵小屏風畔  
冷香凝酒濃春  
入夢窗破月尋人

剔銀燈

同公素賦竹歌者以七急拍七拜勸酒

簾下風光自足春忽到席間屏曲瑤甕酥融羽  
觴蟻鬧花映鄗湖寒綠汨羅愁獨又何似紅圍  
翠簇聚散悲歡箭速不易一盃相屬頻剔銀  
燈別聽牙板尚有龍膏堪續羅熏繡馥錦瑟畔  
低迷醉玉

武陵春

維嶽分公英特氣方丈拂長虹丙魏蕭曹總下

風千載友夔龍 寶鼎泉翠昏簾繡嘉頌珮紳  
同不用黃精掃髮中元是黑頭翁

又

迎得春來聞好語賀燕立簾鉤轉蕙風光柳弄  
柔嘉氣與春游 萬錢珍鼎期公飯天自壽留

侯文物昇平速置郵江左屬風流

王儉云江左風流宰相唯

有誰安

又

銀浦流雲初度月空碧掛團團照夜珠胎貝闕  
寒光彩滿長安 春風爲拂新沙路珂馬欵天  
關篆印金窠紅屈盤鬼嶺押千官

又

正月二日天寒欲雪孫使君置酒  
作樂賓客插花劇飲明日當立春

城上落梅風料峭寒馥逼清尊爽興天教屬使  
君雪意歷歌雲 挿帽殷羅金縷細燕燕早隨  
人畱取笙歌直到明蓮漏已催春

又

正月十四夜孫使君席  
上觀雪繼而月復明

東堂詞

二十五

沒古閣

風過水簷環珮響  
宿霧在華茵  
滕落瑤花襯月  
剛嫌怕有纖塵  
鳳口銜燈金炫轉  
人醉覺寒  
輕但得清光解照人  
不負五更春

又

正月七日成  
節書齊亥春

春在  
前村梅雪裏  
一夜到千門  
玉珮瓊琚下  
冷雲銀界見東君  
桃花髻暖雙飛燕  
金字巧宜春  
春寂莫  
溪橋柳弄晴  
老也探花人

秦樓月

月下  
觀花

薔薇折一懷秀影花和月  
花和月著人濃似粉  
香酥色綠陰垂幕  
簾波疊微風過竹涼  
吹髮涼吹髮無人分付  
這些時節

訴衷情

三月八日仲存席上見吳家歌舞

花陰柳影映簾櫳  
羅幕繡重重  
行雲自隨語燕  
回雪趁驚鴻  
銀字歇玉盃空  
蕙煙中  
桃花髻  
暝杏葉眉彎  
一片春風

又

夕七

東堂詞



短疎縈綠象床低玉鴨度香遲微雲淡暑河漢  
涼過碧梧枝 秋韻起月陰移下簾時人間天  
上一樣風光我與君知

減字木蘭花

正月十七日孫守約觀殘燈  
是夕燈火甚盛而雪消雨作

暝風吹雪洗盡碧階今夜月試覓雲英更就藍  
橋惜月明 從教不借自有使君家不夜誰道  
由天光景隨人特地妍

又

留賈  
耘老

會教風月催促花邊煙棹發  
不管花開月白風清始肯來  
既來且住風月閒尋秋好處收取  
淒清暝日關干助夢吟

松老夢中  
嘗作詩

又

李家出  
歌人

小橋秀絕露溼芙蓉花上月  
月下人人花樣精神月樣清  
誰言見慣到了司空情不慢丞相  
嗔無若不嗔時醉倩扶

惜分飛

富陽水寺  
秋夕望月

山轉沙回江聲小  
望盡冷煙衰草  
夢斷瑤臺曉  
楚雲何處英英好  
古寺黃昏人悄悄  
簾卷寒堂月到  
不會思量了  
素光看盡桐陰少

又

富陽僧舍作別  
香齋夜題芳

淚溼闌干花著露  
愁到睂峯碧聚  
此恨平分取  
更無言語空相覩  
短雨殘雲無意緒  
寂寞朝朝暮暮  
今夜山深處  
斷魂分付潮回去

又

酒家樓望其商有  
佳客投之不至

花影低徊簾幕捲慣了雙來燕燕驚散雕闌晚  
雨昏煙重垂楊院雲斷月斜紅燭短望斷真  
個望斷情寄梅花點趁風吹過樓南畔

又

恰則心頭托托地放下了日多縈係別恨還容  
易袖痕猶有年時淚滿滿頻斟乞求醉且要  
時間忘記明日劉郎起馬蹄去便三千里

蝶戀花

虞州生  
黃州詞

聞說君家傳窈窕秀色天真更奪丹青妙細意  
端相都總好春愁春媚生顰笑瓊玉胸前金  
鳳小那事殷勤總託琵琶道十二峯雲遮醉倒  
華燈翠帳花相照

又  
東歸留吳會  
人往還

江接寒溪家已近想見秋來松菊荒三徑自送  
吳山秋色盡星星却入雙蓬鬢鳧短鶴長真  
個定飭業未遲不用頻看鏡嬾出問人人不問

綠尊倒盡橫書枕

又

戊寅秋寒  
秀亭觀梅

相見江南情不少爾許多時怪得無消耗  
淡日暝雲勾引到闌干寂莫怜春小  
宮面可懽勻  
画了粉瘦酥寒一段天真好喚起玉兒嬌  
睡覺  
半山殘月南枝曉

又

寒食

紅杏梢頭寒食雨燕子泥新不住飛來去  
行傍

柳陰聞好語，鶯兒穿過黃金縷。  
桑落酒寒盃，嬾舉總被多情做。  
得無情緒春過二分能幾許。  
銀臺新火重簾幕。

又

東堂下牡丹僕所栽者清明後見花

三疊闌干鋪碧甃，小雨新晴纔過清明後。  
初見花王披袞繡，嬌雲瑞日明春晝。  
彩女朝真天質秀，寶髻微偏風捲霞衣皺。  
莫道東君情最厚，韶光半在東堂手。

又

春夜  
不寐

紅影班班吹錦片  
露葉煙梢寒月娟娟滿更起  
遶庭行百遍無人祇有棲鶯見  
覓個薄情心  
對換愁緒偏長不信春宵短  
正是碧雲音信斷  
半衾猶賴熏熏暝

又

席上和孫使君  
孫莫春當受代

城上春雲低閣雨  
漸覺春隨一片花飛去  
素頸圓吭鶯燕語  
不妨緩緩歌金縷  
墮紀頽綱公



已舉但見清風蕭瑟隨談緒  
僭冠假饒天不許  
未須忙遣韶華算

又

送茶

花裏傳觴飛羽過  
漸覺金槽月缺圓  
籠破素手  
轉羅酥作顛  
鵝溪雪絹雲腴墮  
七盞能醒千  
日臥扶起  
瑤山嫌怕香塵灑  
醉色輕鬆畱不可  
清風停待些時過

又

敬枕

不雨不晴秋氣味  
酒病秋懷不做醒  
鬆地初換  
夾衣圍翠被  
薔薇水潤衙香膩  
旋折秋英餐  
露蕊金縷虬團更  
試康王水幽夢不來尋  
小睡  
無言劃盡屏山翠

更漏子

燕香曲

玉梭猊金葉  
暝馥馥香雲不斷長  
下著繡簾重  
怕隨花信風  
傍薔薇搖露點  
衣潤得香長遠  
雙枕鳳一衾  
鸞柳煙花霧間

又

初秋雨後  
賦鷓鴣

綠窗寒清漏短帳底沉香火煨殘燭暗小屏彎  
雲峯遮夢還 那些愁推不去分付一簷寒雨  
簷外竹試秋聲空庭鶴喚人

又

和孫公素汎  
舟湖

柳藏煙雲漏日寒滿雕盤玉食風卷旆水遙天  
魚龍挾彩舫 水遠人波面樂太守與民同樂

春好處總隨軒花中誰狀元

京妓以色勝  
者爲狀元紅

西江月

次韻孫使君賞花見  
寄時僕武康待次

花下春藏五馬松間風落雙鳧兵厨玉帳捲鄣  
湖人醉碧雲欲暮 歸去聊登文石翱翔便是  
天衢雅歌誰解繼投壺桃李無言滿路

又

縣圃  
小酌

煙雨半藏楊柳風光初到桃花玉人細細酌流  
霞醉裏將春畱下 柳畔鴛鴦作伴花邊蝴蝶  
爲家醉翁醉裏也隨他月在柳橋花榭

又

長安秋夜與諸君飲分題作

雨後夾衣初冷霜前細菊渾班  
孤殘清月繡團環萬里長安  
秋晚槽下內家玉滴盤中江國  
金丸春容著面作微殷燭影紅  
搖醉眼

又

筵茶

席上芙蓉侍煠花間驟裏還  
嘶勸君不醉且無歸  
歸去誰人惜醉湯點餅心未洗  
乳堆盞面初肥  
畱連能得幾多時  
雨腋清風喚起

青玉案

新涼

芙蓉花上濛濛雨又冷落池塘  
算何處風來搖碧戶  
捲簾凝望淡煙疎柳  
翡翠穿花去玉京  
人去無由駐  
恁獨坐凭闌處  
試問綠窗秋到否  
可人今夜新涼一枕無計相分付

又

竹間戲作

玉嬰初有排雲分  
向晚色娟娟靜秋入風枝清  
不盡月和粉露徘徊孤映  
獨夜扶疎影子猷

風調全相稱是彼此無凡韻玉勒前頭花柳近  
水邊石上冷依煙雨時有幽人問

又

戲贈  
醉妓

玉人爲我殷勤醉向醉裏添姿媚偏著冠兒釵  
欲墜桃花氣暝露濃煙重不自禁春意綠榆  
陰下東行水漸漸近淒涼地明月侵床愁不睡  
睂兒吃皺爲誰無語閣住陽關淚

又

今宵月好來同看月未落人還散把手畱連簾  
兒畔含羞和恨轉添凝眇花映春風面 相思  
不用寬金釧也不用多情似玉燕問取嬋娟學  
長遠不必清光夜夜見但莫負團圓願

雨中花

下汴  
月夜

寒浸東傾不定更奈檣聲催緊堤樹隴明孤月  
上暗淡淡移船影 舊事十年愁未醒漸老可  
奈離恨今夜有誰知風中露裏目斷雲空盡



又

武康秋  
雨池上

池上小寒欲霧竹暗小窗低戶數點秋聲來侵  
短夢簷下芭蕉雨 白酒浮蛆雞喙黍問陶令  
幾時歸去溪月嶺雲蘋汀蓼岸總是思量處

鵲橋仙

春院

紅摧綠剝鬢愁蝶怨滿院落花風緊醉鄉好夢  
恰憎騰又冷落一成吹醒 柔紅不耐暗香猶  
好覷著翻成不忍春心減盡眼長閒更肯被游

絲牽引

又燭下  
看花

水精簾外沉香闌畔新下紅油畫幕百花何處  
避芳塵便獨自將春占却 月華淡淡夜寒森  
森猶把紅燈照著醉時從醉不歸家賢守定不  
教冷落

點絳脣

月波樓  
中秋作

高柳橫斜冷光凌亂搖疎翠露荷珠綴照見鴛

東堂詞



欄楯 壓玉浮金一醉留青鬢  
風光勝淡粧人  
貌眉黛生秋暈

又

家人  
生日

何處君家蟠桃花下瑤池畔  
日遲煙煥日得春  
長遠 幾見花開一任年光換  
今年見明年重  
見春色如人面

又

武都靜林寺妙峯亭席上  
作假山前引水激起數尺

秀嶺塞青冷泉凌亂催秋意  
珮環聲裏無限真

珠碎 難我平生識盡閒滋味來閒地爲君一  
醉萬事溪雲外

又

醉中記遊一處復尋不果

小院重簾那回來處花相向遲遲一餉記得春  
模樣 昨夜月明應照芙蓉帳空凝望蜂勞蝶  
攘誰在花枝上

又

憶山夜月贈鼓琴者時作流水弄

繡嶺橫秋玉螭吹暑迎涼氣碧崖流水流入春

蔥指 半倚朱絃微鞞連環珥通深意月明風  
細分付知音耳

如夢令

深苑重調絃管不覺銀臺燭短相對有金波天  
畔樓中都滿人遠人遠醉倚闌干玉冷

生查子

登高  
調詞

鱸蟹正肥時煙雨新涼日露葢鬱金黃雲液蒲  
萄碧 此日古爲佳此醉君寧惜高挂水晶簾

盡放秋光入

又

春日

日照小窗紗風動重簾繡寶炷暮雲迷曲沼晴  
漪縵煙暖柳醒鬆雪盡梅清瘦恰是可怜時  
好似花穠後

又

釵上燕猶寒勝裏紅偏小恰有爾多春不許羣  
花笑酒面粉酥融香袖金泥罩芳意已潛通

殘雪猶相照

又

富陽道中

春晚出山城落日行江岸人不笑潮來香亦臨  
風散花謝小粧殘鬢困清歌斷行雨夢魂消  
飛絮心情亂

又

花地錦斑殘月箔波凌亂鬪鴨玉闌傍撲獸金  
爐畔小醉奈春何輕夢催雲散却步蕙蘭中



應被鴛鴦見

浪淘沙

生

深院繡簾垂前日春暝  
画橋楊柳弄煙霏  
池面東風先解凍  
龜上漣漪  
酒漱玉東西  
香暎狡獪  
遠山鬱秀入雙眉  
待看碧桃花爛熳  
春日遲遲

菩薩蠻

次韵  
送別

玉卮細酌流霞溼  
金釵翠袖勤  
隔客行色小梅

殘官橋楊柳寒 賜環宣室夜看落金蓮  
人記海南康流風秀水傷

又

代贈

端端正正人如月  
孜孜媚媚花如頰  
花月不如人  
眉眉眼眼青  
沉香添小炷  
芙蓉挹熏爐  
語香解著人衣  
君心蝴蝶飛

又

定空賞

含章簷下眉如月  
擁酥和粉描疎雪  
桃杏莫爭

春凌風臺畔人  
如今千萬樹零亂  
孤村雨和  
雨滴瑤觴  
歸來肌骨香

又

重陽

淡煙疎雨東籬曉  
菊團淒露眞珠小  
青葢挹寒  
枝因誰特故遲  
曾是騷人  
眎羞做茱萸伴  
揉破鬱金黃  
與君些子香

又

溪山不盡知多少  
遙峯秀疊寒波渺  
攜酒上高

臺與君開壯懷 枉做悲秋賦  
醉後悲何處 白髮幾黃花  
官裘付酒家

又

富陽道中

春潮曾送離魂去 春山曾見傷離處  
老去不堪愁凭闌 看水流 東風畱不住  
一夜檐前雨 明日覓春痕 紅疎桃杏村

又

新城山中雨

雲山沁綠殘 眉淺垂楊睡  
起腰肢軟 不見玉粧

更宜司

及古蜀

臺飛花將恨來  
行雲何事惡雨透羅衣薄不  
忍溼殘春黃鸝啼向人

又

贈舞

當時學舞鈞天部  
驚鴻吹下江湖去  
家住百花橋  
何郎偏與嬌  
杏梁塵拂面  
牙板聞鶯燕  
勸客玉梨花  
月侵釵燕斜

漁家傲

戊寅冬以病告臥潛玉時時策杖寒秀亭下作漁家傲三首

年少莫尋潛玉老  
無才無藝煩君笑  
暝過茆檐

霜日曉休起早竹間盡日無人到  
別逕小峯孤碧峭曲溝淺浸寒清  
遶此老相看情不少  
渾忘了渾然忘了長安道

又

恰則小菴貪睡著不知風撼梅花落  
一點兒春吹去却香約略黃蜂猶抱紅酥萼  
遶遍寒枝添索寞却穿竹徑隨孤鶴  
守定微官真箇錯從今莫從今莫負雲山約

又

鬢底青春畱不住功名薄似風前絮何似甕頭  
春沒數都占取祗消一紙長門賦 寒日半窗  
桑柘莫倚闌目送繁雲去却欲載書尋舊路煙  
深處杏花菑葉耕春雨

阮郎端

春

映階芳草淨無塵新晴隔柳陰綠絲步帳碧茸  
茵遮藏欲盡春 □ □ □ □ □ □ □ □ □ □ □ □ □ □ □ □

□□□□□□□□□□開愁漸不禁

又

雨餘煙草弄春柔  
芳郊翠欲流  
煥風時轉柳花  
毬晴光爛不收  
紅盡處綠新  
稠穠華只暫留  
却應畱下等閒愁  
令人雙鬢秋

絳都春

太師  
生辰

餘寒尚峭  
早鳳沼凍開  
芝田春到  
茂對誕期  
天與公春  
向廊廟元功  
開物爭春  
妙付與穠華多



少召還和氣拂開霽色未妨談笑 縹緲五雲  
亂處種彫菰向熟碧桃猶小雨露在門光彩充  
閭烏亦好寶熏鬱霧城南道天錫公任安危二  
十四考

天香

宴錢唐太守  
詩張公作

進止詳華文章爾雅金鑿恩異羣顏塵斷銀臺  
天低鰲禁最是玉皇香案燕公視草星斗動昭  
回雲漢對罷宵分又金蓮燭引歸院 年來偃

藩江畔賴湖山慰公心眼碧瓦千家偕袴襦餘  
暝黃氣珠庭漸滿望紅日長安殊不遠緩轡端  
門青春未晚

滿庭芳

夏曲

爍石炎曦迷雲急雨院落槐午陰清藕花開遍  
綠細一池萍槽下真珠漚漚龍團破河朔餘醒  
欄干外梧桐葉底金井轆轤聲 盈盈開霧帳  
珊瑚連枕雲母圍屏對肌膚冰雪自有涼生翠

袖風回画扇拂香篆虬尾斜橫北窗晚娟娟靜  
色竹影上簾旌

又

西園月  
夜賞花

馬絡青絲幃開紅錦小晴初斷香塵芳醪持燭  
別有箇佳人飛蓋西園午夜花梢冷雲月朧明  
應還惜畱花伴月占定可憐春 佳人爭插帽  
已殘芳樹猶綴餘英任紅辭香散蝶恨蜂嗔醉  
也和春戴去深院落初馥爐熏玉臺畔未教却

了畱映晚妝新

八節長歡

送孫守  
公素

名滿人間記黃金殿舊賜清閒才高鸚鵡賦風  
凜惠文冠濤波何處試蛟鱔到白頭猶守溪山  
且做龔黃樣度畱與人看 桃溪柳曲陰圓離  
唱斷旌旗却捲春還襦袴寄餘溫雙石畔唯聞  
吏膽長寒詩翁去誰細遶屈曲闌干從今後南  
來幽夢應隨月渡雲湍

東堂詞

四十四

汲古閣

又

登高詞

澤國秋深繡楹天近坐久魂清溪山遶樽酒雲  
霧浥衣襟餘霞孤雁送鄉愁寄寒閨一點離心  
杜老兩峯秀處短髮疎巾 佳人爲折寒英羅  
袖溼真珠露冷鈿金幽豔爲誰妍東籬下却教  
醉倒淵明君但飲莫覩他落日蕪城從教夜籠  
山清月端的便解畱人

驀山溪

東堂武康縣令舍盡心堂也僕改名東堂治平中越人王震所作自

吳興刺史府與五縣令舍無得與東堂  
爭廣麗者去年僕來見其突兀出翳蒼  
問而苗生梁上鼠走戶內東西兩便室  
蛛網粘塵蒙絡窗戶守舍無有丈夫履  
聲姑以告云前大夫憂民勞苦眠飯于  
簿書獄訟間是堂也向十餘間傾撓于  
萬艾中鵲嘯其上徑經其下磨鎌澤芥  
以十夫日往刈之纔可入欲以居人則  
有覆壓之患取以爲薪則又可憐試擇  
其螻蟻之全加以芥斤乃能爲亭二爲  
菴爲齋爲樓各一雖卑隘僅可容膝然  
清泉修竹便有遠韻又伐惡木十許根  
而好山不約自至矣乃以生遠名樓画  
舫名齋潛玉名菴寒秀陽春名亭花名  
塢蝶名徑而疊石爲漁磯編竹爲鶴巢  
皆在池上獨陽春西窗高山最多又

有餘隙一架僕頃少時喜筆硯淺事徒  
能誦古人紙上語未嘗與天下史師游  
以故邑人甚惡其令不以寄託直雖有  
疾苦曾不以告也庭院蕭然烏雀相呼  
僕乃得飽食晏眠無所用心于東堂之  
上戲作長短句一首托其聲于驀山溪  
云

東堂先曉簾挂扶桑暝画舫寄江湖倚小樓心  
隨望遠水邊竹畔石瘦蘚花寒秀陰遮潛玉夢  
鶴下漁磯晚藏花小塢蝶徑深深見彩筆賦  
陽春看藻思飄飄雲半煙拖山翠和月冷西窗

玻璃盞蒲萄酒旋落醅醖片

又

上元詞

嬋娟不老依舊東風面  
華燭下珠軒盛寒裏春  
光一片不教算景也似  
每常來水精宮銀色界  
今夜分明見碧街如水  
人影花凌亂誰在柳  
陰中小妝寒落梅數點  
詩翁獨倚十二玉闌干  
露濛濛雲冉冉千嶂  
琉璃淺

又

元夕詞



梅花初謝雪後寒微峭誰送一城春綺羅香風  
光窈窕插花走馬天近寶鞭寒金波上玉輪邊  
不是紅塵道 玻璃山畔夜色無由到深下水  
晶簾擁嚴粧鉛華相照珠樓紗縵人月兩嬋娟  
尊前月月中人相見年年好

又

楊花

雪空壇徑撲撲憐飛絮柔弱不勝春任東風吹  
來吹去牆陰花外一片落誰家葉依依煙鬱鬱

依舊如張緒 那人拈得吹向釵頭住不定却  
飛揚滿眼前攪人情悵蜂兒蝶子教得越輕狂  
隔斜陽點芳草斷送青春暮

洞仙歌

中秋

綠煙深處碧海飛金鏡午夜玉階臥桂影相看  
露涼時零落瓊漿神京遠唯有藍橋最近 水  
精簾不下雲母屏開冷射佳人淡脂粉便總把  
許多明付與清尊投曉共流霞傾盡更移取胡

床上南樓看玉做人間素秋千頃

遍地花

孫守席上  
詠牡丹

白玉欄邊自凝佇滿枝頭新彩雲雕霧甚芳菲  
繡得成團砌合出韶華好處 暝風前一笑盈  
盈吐檀心向誰分付莫與他西子精神不枉了  
東君雨露

夜遊宮

僕養一鶴逸去因問時以屬鄭德  
僑家今縣齋新作陽春亭旁見近

山數峯因德僑歸以此語

鶴便知僕居此不落窠也

長記勞君送遠柳煙重桃花波暝花外溪城望  
不見古槐邊故人稀秋鬢晚 我有凌霄伴在  
何處山寒雲亂何不隨君弄清淺見伊時話陽  
春山數點

醉花陰

檀板一聲鶯起速山影穿疎木人在翠陰中欲  
覓殘春春在屏風曲 勸君對客盃盃須覆燈照  
瀛洲綠西去玉堂深魄冷魂清獨引金蓮燭

又

金葉猶溫香未歇  
寒定次初收  
更添薄羅衣  
一  
雲清風人映團團月  
持盃試聽畱春闋  
此箇  
情腸別分付與鴛鴦  
勸取東君停待芳菲節

上林春令

十一月三十日見雪

蝴蝶初翻簾繡  
萬玉女齊回舞  
袖落花飛絮濛  
濛  
長憶著瀟橋別後  
濃香斗帳自永漏  
任滿  
地月深雲厚  
夜寒不近流蘇  
祇憐他後庭梅瘦

帶人嬌

雪做屏風花爲行帳屏帳裏見春模樣小晴未  
了輕陰一餉酒到處恰如把春拈上 官柳黃  
輕河堤綠漲花多處少停蘭槳雪邊花際平蕪  
疊嶂這一段淒涼爲誰悵望

又

約歸期偶參  
差戲作寄內

短棹猶停寸心先往說歸期喚做的當夕陽下  
地重城遠樣風露冷高樓誤伊等望 今夜孤

東堂詞

四十九

汲古閣

村月明怎向依還是夢回繡幌還山想像秋波  
蕩漾明夜裏與伊画著眉上

河滿子

夏曲

急雨初收珠點雲峰巉絕天半轆轤金井卷紺  
冽簾外翠陰遮遍波翻水精重簾秋在璫璫雙  
簾漏永流花緩緩未放崦嵫晚晚紅荷綠芰  
算天好小宴水亭風館雲亂香噴寶鴨月冷釵

橫玉燕

七娘子

舟中  
早秋

山屏霧帳玲瓏碧更綺窗臨水新涼入雨短煙  
長柳橋蕭瑟這番一日涼一日離多綠鬢多  
時白這離情不似而今惜雲外長安斜暉脉脉  
西風吹夢來無跡

又

和賀方回  
登月波樓

月光波影寒相向偕團團與做長壕樣此老南  
樓風流可想殷勤水彩隨人上欲同次道傾



家釀有兵厨玉盞金波漲雲外歸鴻煙中飛槳  
五湖秋興心無往

夜行船

兩夜泊吳江明日過垂虹亭

寒滿一衾誰共夜沈沈醉魂朦鬆雨呼煙喚付  
淒涼又不成那些好夢忽明日煙江暝朦扁  
舟係一行蝮蝮季膺生事水瀾漫過鱸船再三  
目送

又

餘英路汎舟

弄水餘英谿畔綺羅香日遲風慢桃花春浸一  
篙深画橋東柳低煙遠漲綠流紅空滿眼倚  
蘭橈舊愁無限莫把鴛鴦驚飛去要歌時少低  
檀板

燭影搖紅

松窗午  
夢初覺

一畝清陰半天瀟灑松窗午牀頭秋色小屏山  
碧長垂煙縷枕畔風搖綠戶喚人醒不教夢  
去可憐恰瘦石寒泉冷雲出處

東堂詞

五十一

汲古閣

又

送會宗

老景蕭條送君歸去添淒斷贈君明月滿前路  
直到西湖畔門掩綠苔應遍爲黃花頻開醉  
眼橋奴無恙蝶子相迎寒窗日短

會宗小字名夢蝶前植橋

東偏甚廣

又

歸夫曲

鬢綠飄蕭漫郎已是青雲晚古槐陰外小欄干  
不負看山眼此意悠悠無限有雲山知人醉

嬾他年尋我水邊月底一簑煙短

憶秦娥

冬夜宴東堂

醉醉醉擊珊瑚碎花花先借春光與酒家  
夜寒我醉誰扶我應抱瑤琴臥清清攬月吟風不  
用人

又

二月二十三日  
夜松軒作

夜夜夜了花朝也連忙指點銀瓶索酒嘗  
明朝花落知多少莫把殘紅掃愁人一片花飛滅

却春

于飛樂

和太守  
曹子方

水邊山雲畔水新出煙林送秋來雙檜寒陰檜  
堂寒香霧碧簾箔清深放衙隱几誰知芙蓉水  
無心 望西園飛蓋夜月到清樽爲詩翁露冷  
風清退紅幫去碧袖花草爭春勸翁強飲莫辜  
負風月留人

又

代人作  
別凌曲

記膾騰濃睡裏一片行雲未多時夢破雲驚聽  
輓轡聲斷也井底銀瓶不如羅帶等閒便結得  
同心 繫画船楊柳岸曉月亭亭記陽關斷韻  
殘聲被西風吹玉枕酒魄還清有些言語獨自  
個說與誰磨

又

別贈筵歌  
妓姊妹

竝梅兄雙蝶子煙縷衫輕鳳皇釵繚繞香雲淡  
淡梳粧得恁雪膩酥勻揉春捻就更是他花與

精神 黛尖低挑夢破微笑輕漿早做成役夢  
勞魂好風前佳月下莫忘行人扁舟去也沒箇  
事多樣離情

虞美人

東園賞春見柳日  
照杏花甚可愛

游人莫笑東園小莫問花多少一枝半朵惱人  
腸無限姿姿媚媚倚斜陽二分春去知何處  
賴是無風雨更將繡幕密遮花任是東風急性  
不由他

又

百花趕定東君去，知與花何處。陽春但更買花栽，畱住蜂兒蝶子等君來。翠輕綠嫩庭陰好，醉便眠芳草。春波如酒不曾空，誰見東堂日日自春風。

又官妓有名小者坐中乞詞

柳枝却學腰肢裊，好似江東小。春風吹綠上睂峯，秀色欲流不斷眼波融。簷前月上燈花墮。



風遞餘香過小歡雲散已難收到處冷煙寒雨  
爲君愁

洛陽春

東坡代同  
舟寄遠

月下風前花畔此情不淺欲畱風月守花枝却  
不道而今遠 檣外鷺飛沙晚煙斜雨短青山  
祇管一重重向東下遮人眼

散餘霞

牆頭花口寒猶禁放繡簾晝靜簾外時有蜂兒

趁楊花不定 攔干又還獨凭念翠低眉暈春  
夢枉惱人腸更厭厭酒病

最高樓

後放

微雨過深院芰荷中香冉冉繡重重玉人笑倚  
闌干角月華猶在小池東入人懷吹鬢影可憐  
風 分散去輕如雲與夢剗下了許多風與月  
侵枕簾冷簾攏剛能小睡還驚覺略成輕醉早  
醒鬆仗行雲將此恨到眉峰

又

恨春

新睡起薰過繡羅衣梳洗了百般宜東風淡蕩  
垂楊院一春心事有誰知苦畱人嬌不盡曲眉  
低謾良夜月圓空好意恐落花流水終寄恨  
悲歡往往相隨鳳臺凝望雙雙羽高唐愁著夢  
同時又爭如遵大路合逢伊

少年遊

長至日  
席上作

遙山雪氣入疎簾羅幕曉寒添愛日騰波朝霞

入戶一線過冰簷  
綠尊香嫩蒲萄暝滿酌破  
冬嚴庭下早梅已含芳意春近瘦枝南

粉蝶兒

雪徧梅花素光都共奇絕到窗前認君時節下  
重幃香篆冷蘭膏明滅夢悠揚空遶斷雲殘月  
沈郎帶寬同心放開重結褪羅衣楚腰一捻  
正春風新著摸花花葉葉粉蝶兒這回共花同

活

調笑令

竊以綠雲之音不羞春燕結風之袖若  
翻秋鴻勿謂花月之無情長寄綺羅之  
遺恨試爲調笑戲追風流少延重客之  
餘歡聊發清樽之雅興

珠樹陰中翡翠兒莫論生小被雞欺鸛鵲樓  
高蕩春思秋瓶晒碧雙琉璃御酥寫肌花作  
骨燕釵橫玉雲堆髮使梁年少斷腸人凌波

襪冷重城月

城月冷羅襪郎睡不知鸞帳揭香淒翠被燈明  
滅花困釵橫時節河橋楊柳催行色愁黛有人  
描得

右崔徽

隼旗珮馬昌門西秦娘紺幘爲追隨河橋春  
風弄鬢影桃花髻暝黃蜂飛繡茵錦薦承回  
雪水犀梳斜抱明月銅駝夢斷江水長雲中

月墮寒香歇

香歇袂紅黥記立河橋花自折隼旟紺憶城西  
闕教妾驚鴻回雪銅駝春夢空愁絕雲破碧江  
流月

右秦娘

武寧節度客最賢後車摘藻爭春妍曲眉豐  
頰亦能賦惠中秀外誰取憐花嬌葉困春相  
逼燕子樓頭作寒食月明空照合懽床霓裳

罷舞猶無力

無力倚瑤瑟罷舞霓裳今幾日樓空雨小春寒  
逼鈿暈羅衫煙色簾前歸燕看人立却趁落花  
飛入

右眇眇

臨邛重客蜀相如被服容冶人閒都上宮煙  
娥笑迎客繡犀六曲紅氍毹霰珠穿簾洞房  
晚歌倚瑤琴半羞嬾天寒日暮可奈何挂客



冠纓玉釵冷

釵冷鬢雲晚羅袖拂人花氣暝風流公子來應  
遠半倚瑤琴羞嬾雲寒日暮天微霰無處不堪  
腸斷

右美人賦

寒雲夜捲霜倒飛一聲水調凝秋悲錦靴玉  
帶舞回雪丞相筵前看柘枝河東詞客今何  
地密寄軟綃三尺淚錦城春色隔瞿唐故華

灼灼今顛顛

顛顛何郎地密寄軟綃三尺淚傳心語眼郎應  
記翠袖猶芬仙桂願郎學做蝴蝶子去去來來  
花裏

右灼灼

春風戶外花蕭蕭綠窗繡屏阿母嬌白玉郎  
君恃恩力樽前心醉雙翠翹西廂月冷濛花  
霧落霞零亂牆東樹此夜靈犀已暗通玉環

東堂詞

五十九

汲古閣

寄恨人何處

何處長安路不記牆東花拂樹  
瑤琴理罷霓裳  
譜依舊月窗風戶薄情年少如飛絮  
夢逐玉環西去

右鸞鸞

白蘋溪邊張水嬉紅蓮上客心在誰丹山鸞  
雛雜鷗鷺暮雲晚浪相逶迤十年東風未應  
老斗鬢明珠結里媪花房著子青春深朱輪



雲散空相望

相望楚江上  
縈水繚雲聞  
妙唱龍沙醉  
眼看花浪正  
要風將月  
傍雲車  
瑤珮成惆悵  
衰柳白鬚  
相響

右張好好

破子

酒美從酒貴  
濯錦江邊花  
滿地鶻鶻換  
得文君醉  
暝和一團春  
意怕將醒  
眼看浮世不  
換雲芽

雪水

又

花好怕花老  
暝日和風將養到  
東君須願長年  
少圖不著花草  
草西園一點紅  
猶小早被蜂兒  
知道

遣隊

歌長漸落杏梁塵  
舞罷香風捲繡網  
更擬綠雲  
弄清切樽前  
恐有斷腸人

感皇恩

爾歲撫邦人曾無恩意別後何人更相記顯與  
玉樹媿與蒹葭相倚殷懃猶念我同吟醉 画  
舸相追孤城已閉不道扁舟雲外住夜分月冷  
一段波平風細憶君清興滿無由寄

又

鎮江  
待闌

綠水小河亭朱闌碧甃江月娟娟上高柳画樓  
縹緲盡挂窗紗簾繡月明知我意來相就 銀

字吹笙金貉取酒小小微風弄襟袖寶黛濃炷  
人芙蓉山煙瘦露涼釵燕冷更深後

又

酌晚

多病酒樽疎飲少輒醉年少銜盃可追記無多  
酌我醉倒阿誰扶起滿懷明月冷爐煙細雲  
漠雖高風波無際何似歸來醉鄉裏玻璃紅上  
滿載春光花氣蒲萄仙浪軟迷紅翠

澤民自敘少時喜筆硯淡事徒能補古人



抵上謬嘗知武康縣改畫心堂為東堂簿書  
獄訟之暇輒觴咏自娛托其聲于菴山溪  
如園畫然凡詩文画簡樂府摛名東堂集盛  
行于世昔人謂因贈瓊芳一初見賞東坡得  
名果余之耶古虞毛晉記

東堂詞

終